

四庫全書

集部

欽定四庫全書

集部

石倉歷代詩選卷四百五十一

詳校官右中允_臣薩敏

侍讀_臣孫球覆勘

總校官進士_臣朱鈐

校對官中書_臣汪學金

謄錄監生_臣周煥

欽定四庫全書

石倉歷代詩選卷四百五十一

明 曹學佺 編

明詩次集八十五

楊旦

送龐元化叅政分韻得突字

天台古名郡夙稱豪傑窟君有邁往氣沼視溟與渤釋
褐拜青瑣稜稜峭風骨每懷先事憂徙薪喻曲突諫垣

讓丰采儒林挹芬醇旬宣七閩政牙緋九重謁一束舊
時書還攜向東越南風吹輕舟孤帆江上發吾閩雖遐
方而俗匪狡許文公過化餘大道昭日月君持平生往
百行無一蹶翹首福星臨元勛視掀揭

陝西督理軍餉

奉勅總京儲勢殊時亦異蓄積猶未充冗食如鱗次貂
璫何紛然營營日趨利漫勞口舌爭空懷祿食愧西戎
擾邊鄙廟堂集羣議內帑發所餘重臣董其事儉邪憚

遠行巧心生百計元老鬼蜮資極力為之地當宁俞所
請是非遂易位命下予當往敢效懦夫避竊恐才識疎
無以副重寄迢迢萬里途仰藉天威庇報稱期靡躬庶
幾萬一冀作詩示兒襄聊以明吾志

入潼關

昔聞潼關名今履潼關道巖嶮何年開崔嵬自天造羣
山一拳多長河百川導仰面天茫茫盪胸雲浩浩徑路
何縈紆力憊無由到長風振林薄為我解煩燥停車坐

移時誰復同笑傲設險壯三秦
皇風肆丕冒客路敢辭
勞君恩欲圖報

別李同年承裕

政訝會君難不圖別君易承乏偶此來非賢竊懷愧重
感今日情曲盡同年意握手已忘言對酒那辭醉木杪
號北風漠漠塵沙地明當駕星輶胥晤何時遂善保千
金軀仰副邊城寄

舟經分水乘月順流而下詩以志喜

風伯困吾舟悠悠行復止離京兩踰旬
今辰過分水源泉一派來河流看瀾瀾
牽挽不勞人棹歌聲四起踈柳映新
蟾澄波如鏡裏忽聞人語喧前村遙
可指而于疾徐間却悟乘除理剪燭
坐深更題詩聊志喜

題白巖新竹庵

清影離離半牕竹浥露凝烟翠堪掬
託根此地何孤高絕勝山阿并水澳
月婬故故夜深來寫出此君真面目
賦形不入草木流勁節虛心自天育
諦盟誰共歲寒三

迓地如陳爰位六結實終期鳳鳥栖敲風應遣詩魔伏
主人觴詠有餘興滿院綠陰濃入屋門牆豈無桃與李
奈此春華零落速眼看穉子又生孫厚植深培為君祝
勛庸次第收汗青懸賞旌功安用卜

送袁漢弼教諭之翁源

雪消風勁寒威虐羸馬凌兢行復却送君典教去韶陽
舉墮興衰將有託陶鎔諸士入模範紬繹羣經啓闢鑰
簿書猥瑣了不與染翰操觚有餘樂宦情如此復何求

藥籠參苓取次收聞說甘棠猶蔽芾勉旃事業紹箕裘
十一月八日驅車南行客况寥落賦此見志

驅車行驅車行護國寺前天欲明空勞弟姪遠相送悽
然別去難為情蕭條莫述眼前狀叱咤惟聞耳畔聲雨
餘到處足行潦泥深沒轍愁顛傾土橋垂垂架冰壑垂
危岌岌尤堪驚日高猶自未盥櫛枵腹時作春雷鳴亭
午前村尋逆旅草草一飯勞經營土床茅舍寒徹骨坐
席未煖催登程晚來僦得半間屋孤燈明滅烟縱橫釀

雪可堪風挾勢破愁聊藉酒為兵月色未闌車又動滿
身霜雪怯殘更驅車行朝復夕客路年光駒過隙嗟予
南北苦奔馳祿食明時竟何益埋輪叱馭懷前修千載
英稱猶籍籍阮生底事哭窮途萬里通衢隨所適行人
莫問車中誰我亦皇家二千石

陳準卿招飲遂成長句申謝

天氣清和最可人羣芳庭下雜然陳樽有香醪意良厚
食無魚味情彌真斯文雅會應如此鼓樂喧喧徒聒耳

賓主相忘禮數寬古論今談坐忘起湘簾半掩日初斜
銀燭高烧護絳紗不惜花前為君醉明朝案牘又公家

中秋無月有感

微雨如絲散涼風生客衣虛堂坐夜靜秉燭無光輝停
杯待月月不來蔽天陰翳何時開老懷襞積向誰語階
前獨步空徘徊

雨後馬上

疾雷破頑陰驟雨洗煩燠好風從南來吹我庭下竹款

段乘晚涼歸途豁塵目雲開天宇清遙山淨如沐

齋居次楊名父韻

高談厭俗譁琴書共一家倚馬才何捷驚鴻勢忽斜年
光消竹葉勲業愧菱花省可隨流去浮名水上槎

構亭池上

池上亭臺好山光映水光竹胎初脫錦柳眼半舒黃撫
事看雲變焚香坐日長陶然有真趣物外足徜徉

準卿讀書僧舍次韻

習靜耽幽僻，門無五尺童。
援琴彈古調，揮扇引清風。
江柳搖村綠，山花倚檻紅。
談經應坐久，不覺月生東。

新昌道中

百里驅馳倦，行行日已西。
斷橋人病涉，危磴馬驚嘶。
春淺寒猶峭，峰回路欲迷。
岩峇關嶺上，極目萬山低。

縉雲行臺

坐久渾忘倦，重門鎮日關。
數株臺下柏，千疊案頭山。
校閱何曾暇，驅馳不暫閒。
丁寧二三子，早折桂枝還。

卷四十五十一
祈雨有應

久旱妨農務，齋心懇禱時。
長風振林薄，甘雨徧郊圻。
天亦從民望，神非貺爾私。
宦情聊自慰，志喜寫新詩。

過東昌值風雨

青帝權旁落，春深尚北風。
香飄簾影外，夢破雨聲中。
隴麥初抽綠，園花未放紅。
垂流方鼓枻，俯仰思無窮。

偶作

何處難忘酒，淒風凜客襟。
長江翻濁浪，白日蔽頑陰。
秋

色千林老霜華兩鬢侵此時無一錢恨與海俱深

會寧道中

險路還夷路長亭又短亭雨瀦深澗碧雲抹遠峰青景
勝詩難寫風狂酒易醒客途晴日少吾欲訊山靈

都臺蒞任

內臺綱紀地豈服此初臨才薄承恩厚官高負愧深折
衝千里寄圖報一生心邪正題名在看碑鑒昨今

治行

從宦雖云樂離家轉覺難
關山客程遠雨露聖恩寬
酌酒嫌朝醉收書困夜闌
梅花移不得折向膽瓶看

人日晴明

海宇占人日晨光放晚晴
雲容風外斂山色日邊明
災沴消今歲清平幸此生
乘除天意在次第望秋成

乘風小順發舟

撾鼓聲初發扁舟下順流
龍江疎雨霽瓜步澹烟浮
山水迎行旆風雲愜壯遊
高歌不成調呼酒酌陽侯

觀音閣別意次顧司諫韻

江閣憑欄久停雲客到門路迴峰欲斷潮落水如奔贈
別詩盈卷開懷酒滿樽星槎隨使節霄漢視高騫

夜過淮安

路入淮陰郡舟航在在通可人千里月快意一帆風夜
靜寒猶凜更深斗正中捲簾催放棹列炬映江紅

秋祀先壟途中口占

肩輿侵曉發日出散林霏木落山容瘦天空鴈信稀孤

村流水遶斜壁斷雲飛墓祭雖非古吾親體魄依

夜坐

睡鴨香銷月滿庭夜深相對一燈青驚風撼撼辭柯葉
綴露垂垂入戶螢孤榻雅宜安警枕素屏剛好寫西銘
靜中點簡吾身事世路悠悠任醉醒

同寅馮子佩長至陪祀途中聯句見示次韻

山勢巖從瑞靄浮微茫樹色五陵秋縈迴徑路高還下
曲折溪泉斷復流野店風寒茶竈冷荒村日暮酒旗收

感今懷古情無限極目長空動客愁

霜華滿地印輪蹄薄釀堪沽可待攜一縷晴雲生遠岫
萬幢寒檜護長隄良宵擬借誰家榻逸興須留到處題
翹首蓬萊應咫尺烟霏繚繞望中迷

驅馳王事獨賢勞北望盤盤石磴高百里風霜朝並馬
六陵燈火夜分曹
飛葭管迎修景句滿奚囊秃紫毫
搖曳吟鞭歸路晚寧妨戴月過江皋

夜宴歸寄謝友人

賓主相忘禮數寬沈沈清夜漏初殘紗窗風細銀屏冷
錦瑟聲微玉指寒囊底無金堪買笑樽中多酒且追歡
歸來剩有懷人句倚徧西樓十二欄

廖廷陳清明陪祀山行有紀次韻

笑騎羸馬入春山却喜忙中得暫閒花樹競春開艷
溪流轉壑瀉潺潺雲過絕壁拖輕練沙擁新洲失故灣
直北居庸天設險虛勞百二說秦關

晴光馬首散朝暉松偃虬枝勢若奔百卉芬菲三月候

羣山拱向五陵尊
石田峽嶠初耕雨
野寺荒涼半掩門
去去山城應不遠
青烟起處認前村

過張茂實主事公署

乘閒來訪大方家
門掩西風寂不譁
竹傍牆陰添穉筍
豆緣籬落吐新花
庭無留事休衙早
客有餘情坐日斜
媿媿清談渾未厭
呼童汲井煮新茶

聞昕弟秋闈失利詩慰勉之

吾子才華自不凡
未應三十尚青衫
極知士論推荀爽

惟見鄉書薦阮咸雲路遭回迷月殿年光迅速劇風帆
祇餘兀坐空齋晚無限幽懷寄短絨

別丘文元仍次前韻

茫茫宦海泛扁舟載得東風萬斛愁誰惜卞和頻泣玉
空嗟王粲獨登樓翠屏萬疊遮閩嶠紫氣連空識帝州
別後期君無限意可將身向醉鄉遊

秋日偶成

胸中不解著閒愁公退爐熏伴茗甌食祿應羞田舍計

藏書寧為子孫謀庭除雨過留殘照簾幕風來送早秋
坐久颺颺雙鬢冷呼童整頓舊衣篝

次吉甫山居韻奉寄

流年暗促髣毛斑天與高情獨愛山藜杖穿雲邀鶴去
竹林妨月命童刪放開心上功名念叅透寰中義利關
回首紅塵高十丈懸知不到翠微間

東山草木亦知名寵辱看來一縷輕乘興每隨流水遠
尋幽常有白雲迎遙岑過雨青浮黛弱柳牽風翠拂纓

識得淡中滋味好
侯鯖未必勝芹羹

郊壇候駕

萬析嚴更夜未闌
珊珊環珮集千官
鵲驚人語移枝宿
馬怯霜華立仗寒
馳道逶迤通祀殿
崇垣繚繞衛神壇
鼓聲初靜鐘聲起
天外清光轉玉盤

和胡司諫光貞遊西山

草色青青映客袍
經丘尋壑未辭勞
石邊流水浮花出
天外危峰拔地高
倚馬賦詩分險韻
飮盤生菜却邪蒿

風光差勝江南否試為平章一染毫

縱步郊原興未休
撩人詩景細探求
平湖風蹙紋如縠
列嶂嵐開翠欲流
峭壁留題和蘇刻
澹雲將雨為花謀
何時款段從君後
抖擻塵襟取次遊

閨情次乾叔韻

粧閣無人獨掩扉
年年病裏送春歸
越羅欲換添香嬾
螺黛全消對鏡稀
薄命自傷同柳葉
多情誰遣下漁磯
客途善保千金重
莫為行雲誤濕衣

雪中憶再用前韻

災沴潛消樂事厭寒威轉勁火藏炎持杯頓覺芳醪薄
得句時將凍筆拈羽衛森嚴隨白帝瓊瑤散亂妬飛廉
欲看雪月交輝處兀坐空齋不下簾

馮夷剪水費工夫玉殿朝回肅步趨共訝袁安猶閉戶
誰憐江革獨遺襦狀如柳絮因風否聲類春蠶食葉無
父老預占來歲稔贊調元化荷鈞樞

誰返東風柳絮魂一時枯朽盡沾恩漫空解作便娟態

刻地渾無剪燭痕擁篲酷憐和月掃烹茶擬欲帶雲吞
紗牕此夕明于晝怪底栖雞誤晚昏

奉和京兆兄長雨中留客諸作

散彩朝霞雨可占一庭生意上松髯牀頭酒滴初分甕
樹杪風微不滿簾垂柳飛綿春事老遙山呈翠晚容添
無鹽對鏡難藏醜浹背空驚愧汗沾

諸公才思總無雙文戰誰甘北面降剪燭分題聯夜句
呼童煮茗汲春江詞源滾滾波翻峽吟髯蕭蕭影照釭

坐愛晚涼清不寐忽驚殘月墮西牕

送劉夔推官

窮經不與俗儒同佐政黃堂喜得公鳳闕九重天極北
鯨波萬頃郡當中清風好憫蠻黎望佳政行看狴犴空
後夜相思隔烟水尺書何處附征鴻

東乾叔弟

杜門不出屢經旬骨肉天涯有幾人只恐多愁寬沈帶
何妨無酒漉陶中半衾幽思徒牽夢積歲沈疴喜去身

休傍他家門戶好可能依舊結芳隣

送吳叔和二尹

鹿鳴歌罷識君回猶憶同隨計吏來獻賦十年曾待詔
哦松此日獨憐才徵科須為生民念繁劇祇應敏手裁
三月鶯花春事好離亭且盡故人杯

和許天錫司諫過李處士山居

蘿逕松關自一家羨君雅志厭紛華久聞緒論驚霏雪
小築幽居擬浣花約伴荷鉏方斲笋呼僮支鼎旋烹茶

流連不覺忘歸去滿地殘紅落乳鴉

寄乾叔次原韻

天涯蹤跡別來疎姜被生寒思有餘至寶誰能憐楚璞
非才自合老莊樗月明斷鴈驚孤影水遠雙魚滯素書
國卹方殷歸未得故園南望獨躊躇

重九過居庸關

疊巘層巒倚晚晴屹然天設此長城山連雉堞三關險
烽息狼烟萬里清何處笑歌酬令節幾人憂樂繫蒼生

憑高不盡登臨興南望彤雲護帝京

寄贈徐德宏分教嚴州

離亭酌酒送君行發轍青雲第一程
世際亨嘉吾道泰心無俗累此官清
移家建水梅初放艤棹桐江月正明
為謝故人梁紹甫緘書莫惜寄同盟

陳情歸覲得如所請喜而有作

客路思親倍黯然心旌無日不懸懸
八年違養空勞夢一疏陳情已動天
袞袞風塵催去騎蕭蕭書劒覓歸船

承恩幸沐金緋寵引領諸孫拜膝前

途次用王汝潔韻

釀雪新寒凜客衣扁舟載得舊書歸
波涵月色光相射帆挾風威勢欲飛
身外虛名看海市江邊清夢送神畿
八閩望望如天遠定省何堪十載違

入京不謁劉瑾又無私覲之禮調補温州有感
青天白日此行藏屈已安能媚左璫
十載登朝無寸補一麾出守有餘光
思親頓覺愁成縷報國懸知髮未霜

公道式微私賄盛何時重復舊彝章

遊虎丘山

形勝東吳羨虎丘登山彷彿我曾遊
講經臺廢名猶在試劒池荒水漫流
烟艇江頭歌互答風鈴簷外語相酬
憑高懷古情無限極目長空獨倚樓

次王敬止韻

分符便向浙東行于國何嘗繫重輕
蕞爾偏方民力竭蕭然一榻夢魂清
年光冉冉驚流轉潮信勞勞慣送迎

惟有梅花相慰藉又將春色到山城

觀迎春百戲

簫鼓聲中百伎陳眼看時態一番新村歌野曲渾無調
西抹東塗竊效顰料峭輕寒生翠幙廉纖疎雨逗紅塵
太平景象今如此休向樽前愧負春

陳準卿見和再疊前韻時讀書淨社寺

簿書毛委謾橫陳撫事堪驚種種新祿食誰為明日計
憂懷空寄此眉顰禪房我欲分吟榻世路君方避俗塵

聞說城西風景好花鬚柳眼正嬌春

立春日次韻

溫飽無心夢亦安壯懷牢落放教寬
江山笑我垂垂老風雨撩春故故寒
宦思若何宜解組世情如此且加餐
東郊按轡看農事多少窮簷望駐鞍

送楊廷采

一笑相逢憶昔年梁間塵榻為君懸
半醒半醉花前酒輕暖輕寒雨後天
往事細談渾似夢浮生胥晤豈無緣

青雲更擬同攜手
賸借春風送客船

上元遇雨次廷采韻

癡雲將雨妬良宵
安得長虹駕綵橋
待月不來仙馭遠
問天無語帝閭遙
風吹柳外寒猶薄
春到人間景更饒
坐對梅花成一笑
冷香疎影暗相招

懷歸偶書

故鄉極目渺雲山
長嘯何當拂袖還
纓冕翻為今日累
簿書那得片時閒
十年名姓通朝籍
一謫塵寰隔帝關

功業無成嗟老大鏡中消得鬢毛斑

重九陪胡侍御遊江心寺

扁舟棹入水雲鄉劫火初銷跡半荒
華髮誰憐陪後乘黃花何事負重陽
郊原過雨羣芳賸燕雀隨風萬里翔
丞相祠前山色好森森梧竹倚高岡

遊鴈宕山次韻

鬼斧何年鑿地靈四圍山色染衣青
乍登絕巘心猶怯剛脫塵蹤眼倍醒
花卉一屏初灼灼風塵雙鬢未星星

茲遊足慰平生願
醉倚禪牀月滿庭

遊靈巖寺

宦途迢遞惜年華
野寺行吟日未斜
提甕滿分龍鼻水
支鐙旋煮鴈山茶
雲開絕壁猿窺果
春到寒巖樹著花
怪狀奇形留勝跡
都將清景付詩家

吳興舟中次舒大叅韻

東風吹暖日遲遲
雨足郊原萬物熙
畫舫午炊供菽乳
清江曉汲試茶旗
驅馳仕路渾無補
斷送春光合有詩

竊恐掄才非具眼道傍樗櫟笑工師

龍遊有懷準卿奉寄

空梁落月思何如濶別無因問起居春事闌珊殘雨外
羈愁襞積五更初江頭倚棹帆將卸竹裏行厨酌久疎
握手笑談應不遠聊憑驛使附雙魚

括蒼逢舊門隸迎新守因詢準卿起居始知卧
疾已久詩以寫懷

千里間關訪故人渴心何止欲生塵放懷可得同今日

卧疾那堪越數旬論古談今高興減批風抹月老天嗔
煩君抖擻精神起共醉東山竹葉春

觀潮

江邊高閣倚雲開萬疊波翻脚底雷暗浪逆衝山口束
怒濤橫激海門來憑欄目送孤鴻遠冒險舟看一葉回
最恨中流無砥柱狂瀾泛濫滿蒿萊

觀飛來峰

山外飛來有一峰烟霏深鎖翠重重穿雲誰鑿玲瓏洞

倚澗猶蟠詰屈松林樾交陰回俗轍巖扉半啓覓仙蹤
眼前形勝真奇絕未必丹青有此工

拜岳王祠

權奸無狀逆天常和議從容出廟堂朔漠幾更新歲月
山河半失舊封疆湖波東注聲猶咽宰木南枝恨未忘
忠節凜然千載後肅瞻遺像炷心香

送陳登序班還溫陵

簪筆螭頭侍建章朝回兩袖帶天香心無俗慮襟懷淨

門掩清風興味長爭為浮名沈宦海可堪歸思遶江鄉
送君却憶曾遊地清夢時飛九斗傍

送左汝礪宰神木

同事南宮憶昔年分符今又入秦川馬諳去路先驅熟
民識隣封舊令賢遠岫重重迷曉霧神松鬱鬱鎖寒烟
茲行莫厭邊關險多少疲癯未息肩

元日候朝

東風故故釀輕寒最喜陽春德澤頒犀甲連雲環帝闕

龍媒分隊出天閑
爐烟縹緲晴光外
扇影參差夕照間
去國此心應耿耿
涓埃無補愧朝班

京兆進春次王汝溫韻

唱徹雞人進土牛
司儀雙引殿東頭
扇開雉尾聆天語
簾捲蝦鬚覲帝旒
地脉暖融春意動
日華輝映曉寒收
皇恩浩蕩先畿甸
次第和風徧九州

廿五日奉別諸寮移午登舟

同寮眷眷故情長
勝日名園樂未央
贈別忽驚詩滿卷

開懷莫厭酒盈觴半篙新綠浮春舫一片輕帆掛夕陽
歸卧蓬牕成不寐隔江燈火正昏黃

禮部視事

遙瞻雙闕拜恩光秩亞春官愧贊襄吏隱不嫌疎案牘
庭叅却笑襟緇黃松梢雨過蒼髯秀竹柵風來翠葆涼
退坐小齋清似水一簾晴日映紅芳

退食偶書

燕居如此亦佳哉地濕莎青絕點埃片席且移花底坐

清風時傍竹間來
濫叨厚祿顏空汗
斜倚晴牕句謾裁
最是暮春天氣好
公庭吏散獨徘徊

遊清涼山次喬宗伯韻

雨餘山色散晴空
古寺逶迤曲逕通
暇日偶陪諸老後
上方今喜一樽同
憑高眺遠詩懷壯
佳景芳時樂事叢
賓主相忘因坐久
蓮房薦酒擘青葱

遊靈谷寺次喬宗伯韻

偶寄塵蹤此地行
試傾俗耳聽泉聲
避烟野鶴穿雲去

倚檻山花映酒明
餽餽散蔬供小酌
平章風景寫餘情
遲留不覺歸來晚
十里松陰接古城

遊東山次王司馬韻

雲破晴光散遠山
老天今日亦開顏
綠垂坼柳晚風定
紅落林花春事閒
散步偶隨孤鶴去
浩歌寧逐白雲還
鉞砭俗耳揮絃管
靜聽泉聲戛珮環

分水道中

激灩波光映碧空
畫船如泛水晶宮
俄驚巨浸吞平陸

却喜輕帆引順風
兩岬垂楊迎棹綠
夾堤新棗壓枝紅
浮雲斂盡天如洗
點點遙山夕照中

除夕和喬白岩韻

新寫桃符換舊廳
留都昆季歎晨星
行年老矣頭將白
知我誰歟眼共青
曦馭倏馳徒守歲
兒曹忽報又添丁
妨賢亟欲投簪去
世路悠悠笑獨醒

送葉上舍定還建寧

成均卒業賴薰陶
誰共離亭醉楚醪
三月鶯花春事好

千山風雨客程勞
梯雲更擬秋攀桂
繼晷何妨夜續膏
親友相逢如見問
一官無補愧清高

臨清艤舟值雨

柳外風來雨脚斜
好山剛被白雲遮
新涼散暑穿雲幕
小漲移舟出淺沙
魚貫帆檣千里運
蜂房戶牖萬人家
繁華堪賞還堪恨
滿目芳菲亂野花

送李珍分教徐州

才華蚤歲播芳譽
新沐恩光入古徐
山抹晴雲青杏靄

雨肥官柳綠扶疎優游絳帳談經後感慨黃樓覽勝餘
吾弟相逢憑寄語歸期準擬在冬初

送楊智任紹興知事

客路鶯花又暮春恩光今喜映簪紳浙東勝處稱茲郡
幕下通才見此賓管轄好存綱紀在紉繩那眩是非真
不妨官舍清如水薦剡行看達紫宸

慶都行臺次林粹夫韻

宿負天教向此償驅馳遠道笑奔忙山頭雨過雲猶濕

柳外風和日正長
冗語欲書嫌疥壁
疎簾不捲為留香
微名蝸角知何用
今古悠悠夢一場

定州行臺次粹夫韻

擾擾輪蹄路四通
山川茲郡亦稱雄
麥畦過雨翻晴浪
柳逕迷烟裊暮風景
況盡收詩卷裏愁懷
都付酒杯中
行臺夜鎖青燈靜
閒把遺編校異同

新樂行臺次壁間韻

憲節西行此暫停
重門無事晝常扃
臺前古柏垂垂綠

雨後遙山故故青萬里關河嗟遠道半生蹤跡歎浮萍
今宵誰與占乾象指點中天識使星

夜宿行臺

微風忽送雨纖纖一枕涼生睡正甜旋憶縕袍開故篋
時聞餘溜瀉空簷公庭吏散初喧鵲燕寢香凝不捲簾
明日陰晴渾未定燈花試向夜深占

磁州道中

風掃頑陰雨脚收輶車西去路悠悠荒臺半圯空陳跡

疑冢相望尚故丘，千古英雄誰竹帛。
一川花鳥自春秋，不堪回首斜陽外。
惟見漳河遶郡流。

百門泉次舊韻

高下亭臺遠近山，百泉盛沸綠陰間。
幽尋更擬穿雲去，縱賞何妨戴月還。
鳥戀故巢回倦翼，風淪止水避塵顏。
安排佳句酬清景，却笑偷閒未得閒。

望嶽次石司徒韻

紫翠重重列畫屏，人間何處著丹青。
擎天一掌扶紅日，

拔地三峰擘巨靈
松暗藥爐無火伏
苔深仙洞有雲扃
茲行奇絕真堪紀
靜聽飛泉帶雨泠

觀鴈塔

巋然古塔倚青霄
勝覽何妨去路遙
名氏銷沈懷往昔
規模宏壯憶前朝
四簷傾側危將墜
亂瓦橫斜凜欲飄
惆悵曲江成陸海
淡烟空鎖綠楊橋

永壽行臺

苦雨連宵厭客心
山風無力散秋陰
癡雲靄靄彌層嶽

脫葉蕭蕭下遠林
撫景空慙詩思澀
澆愁全仗酒杯深
年來勲業羞看鏡
遮莫霜華兩鬢侵

靜寧行臺次壁間韻

百二河山愜壯遊
悠悠旌旆又偏州
簡書有限催程急
風雨多情為客留
紅葉滿林秋色老
翠屏千疊晚烟收
桑弧蓬矢平生志
胸次何須著點愁

過山丹

笑攜書劍過山丹
拂面風來送曉寒
流水帶冰穿斷岬

游塵隨馬上征鞍絕憐塞外從軍苦始信人間行路難
况值仲冬天氣好歸鞭指日望長安

過函谷關

函關遺址依稀在澗水東流日夜聲世代有興還有廢
英雄埋骨不埋名終童何事將孺棄令尹猶能望氣迎
四海車書今一統漫勞行客候雞鳴

戶曹視事

關河迢遞又金陵八座崇高愧濫登各省曹分官屬盛

羣胥鱗次簿書仍廩無餘積將何賴例有新條尚可憑
嚴立法程徵宿負陳紅應共百川增

退居偶書

淪茗焚香退食初蕭然一榻地卿居雪消屋角松容瘦
日轉簷牙桂影疎曲几拂塵繡舊牘空廊下鵲散羣胥
位高祿厚將何補不素餐兮重愧予

次林宮保見寄留別諸公詩

客懷端不為秋悲大老鬪然去國時衰鳳謾勞狂叟歎

狎鷗寧向海翁疑人歸鴈後應非晚春到梅邊尚欠詩
他日安車遠相召那能不出踵龍夔

歸留都寓邸

虛名逐逐等浮槎節序推移感物華梁上小巢初乳燕
牆頭垂柳已勝鴉庭無俗客詩懷好門掩清風宦況嘉
笑撚吟髭成短韻詩喉新試武夷茶

送冠中丞天叙巡撫宣府

歷教中外蚤馳名豸繡煌煌壯此行最喜長才臨重鎮

懸知驕子避先聲
沙頭酒盡離亭晚
江上帆開畫鷁輕
海內轉輸民力困
煩君一念繫蒼生

陳少宰見示遊牛首山詩次韻書邊中丞卷

誰幻山形儼若牛
登臨酷愛午風柔
遙看樹杪橫青黛
小憩林陰擁碧油
後乘未隨清興遠
舊遊如夢亂峰遒
茲行奇絕真堪紀
逸駕應攀沈隱侯

送吳珽歷滿南還

蚤年芹泮抱遺經
冑監薰陶更老成
共喜姓名登選牘

試看簪紱躡雲程江頭雨過羣峰秀蘋末風來一棹輕
愧我欲歸歸未得送君南去若為情

武城聞致仕之命偶書

北客忽傳新命下中流急放一舟還浮名已謝雲霄外
公道猶存天地間老遣情懷聊藉酒閒攜杖屨即登山
應知此外無餘事寂寂松陰晝掩關

過錢塘江

孤帆帶雪過錢塘山倚銀屏水漾光浦溆縈迴江曲折

樓臺高下月微茫舟移別岼潮初上風透疎櫺夜未央
仕路悠悠驚歲晚歸心隨夢到家鄉

遊歸宗巖

山靈知我要山行斂盡浮雲放曉晴已辦芒鞋穿鳥道
纔傾俗耳聽泉聲神剌鬼鑿無餘力月榭風櫺有許清
忽憶五年前到此依稀如夢不分明

次壁間韻

紫翠周遭面面峰天然形勝衆山宗縱橫獸伏林間石

天橋龍蟠屋角松假榻每依雲共宿抱琴時有鶴相從
題詩人遠嗟陳迹極目秋空思萬重

次孫謙生子詩以志喜

峭寒簾幕怯晨興覽鏡絲絲鬢雪增閉戶何妨常謝客
開顏今喜又添曾德儲先世鍾餘慶夢兆維熊協吉徵
謾笑老夫無所遺吾家清白世相承

喜得家書

一春頓覺信音稀夢遶家山夜夜歸慈母書來無別語

卷四十五十一
丁寧未許脫朝衣

題畫牛圖

東風吹老綠楊枝
可是春郊罷耒時
帶雨細齧原上草
夕陽歸路向遲遲

南畝功成便退身
中流遊泳任天真
牧童何處空江晚
清世應無扣角人

懷柔道中

春風樹樹亂啼鴉
鎮日山行未見花
田野蕭條村落靜

土橋茅屋兩三家

白馬關

怪石巉巉水亂流
柳勻新綠弄春柔
滿陂芳草眠黃犢
風景居然似建州

小圃卽事

池館圍春曲逕通
虛簷掩映綠陰中
入門頓覺風光別
幾樹桃花隔竹紅

東墅雜咏

東風簾幕燕來初
習靜偏宜水竹居
曲曲欄干時倚徧
一池新綠漾遊魚

移居盤門

盤門靜僻暫移家
樓枕寒流寂不譁
怪得近來天氣好
春光先已到梅花

樂清道中

移文先報鴈山靈
暫謝喧囂向此行
盛境也須遊歷徧
莫教風雨妬春晴

金華山水暴漲登舟有作

空江波浪渺無涯茅屋深林四五家却訝扁舟穿木杪
山城回首隔梅花

趨朝

霜華滿地寒猶薄月色半牕天未明
袞袞紅塵行十里東華門外正殘更

廿九日宿蔡村河下

纔過蒙村又蔡村幾家燈火正黃昏
舟中亦有饒風味

金
買得河鮮侑晚樽

卷四百五十一

二月朔日宿桃花口

扁舟暫泊桃花口
矮屋低垣數十家
童子忽驚春水漲
晚潮隨浪散平沙

過高郵湖

湖光潋滟映晴空
漁艇如梭織晚風
一縷青烟林外起
何人結屋翠微中

河西登車

水淺膠舟不可行肩輿百里困風塵勞勞仕路嗟無補
岼柳江花冷笑人

屠

僑

字安卿鄞縣
人有東洲集

早起讀古詩用韻寫懷

仲夏天鬱蒸梅雨苦不歇何處望高堂清晨梳白髮為
客已如家經年不以月生涯謀道疎身世逐塵沒何當
凌風舉兩手揮巨闕

大庾嶺

路出南安南上嶺復下嶺盤旋山谷間飛驚烟雲境覽
秀目不窮吸清心自省滔滔名利途對此愧幽屏

小梅嶺

我愛山中行盤屈自有情方偶澗松陰又分溪竹清石
屏錦繡幅雲壑笙竽聲何當遇幽人與結烟霞盟

平谷南山早行

與山違日久忽遇洒我神黃鳥出谷鳴悠然江南春晴
峰倚崔嵬空翠來氤氲盤旋山壑裏不見人間人

作馬廐

草草立四圍驥良不以廐寸地千里心牢籠自天授凡物必有居美惡豈其覆嗟彼席珍人薜蘿窮陋巷

白羊堡夜宿

早發居庸城暮宿白羊館朔風喧急柝寒月為我伴重山關隘阻列戍旗臺滿我皇復修文單于正來款

舟中漫書

北遊倦客歸隱宜東山舊券還吾持紅塵隘路機始息

白首餘日天所私林壑夙心去靡靡川源遠路行遲遲
季鷹適意正如此魚菜扁舟同爾為

居庸察院和韻

龍飛汎掃三尺鐵修補前人幅員裂大明鐘鼓振邊頭
寂莫胡笳寒咽雪闕城月白明貢道窮戍千山子孫老
吁嗟險阻固以形願望君王德不小

送樊本明東歸歌

內用二十八宿

城頭畫角疎清曉鳥弄玄亢聲碎小行人夜別指氏旋

早起房櫳送茫渺一春辜負行樂心千里寫遺春尾吟
筆端箕斂春還好斗酒與君行處斟牧牛豎兒歌我過
餉田婦女肩相荷虛林日薄輕霧黃危崔燕補舊巢墮
客意雲邊室家遠村春花外墻壁淺梵王門盛耀宸奎
部婁野曠當絕巘偷閒飲興忻胃飽自愧宵衣常照昂
陽關唱畢囑舟航觥觴贈以代襟抱忽漫相逢參與商
愀然沸我鄉井腸陰慘陽舒鬼神疾君來君去楊柳長
前程星火莫謾忒此意弛張須自得有懷簡點南風翼

發軔終筵堪記憶

晚晴漫述

青天寥廓行白雲一時夕景開晴曛清風院宇蕩炎燠
高枝烏雀鳴懽忻我坐花前北簷下仰天看雲心欲駕
虛空燕舉掠微茫須臾月出溪昏夜黃金寶殿麗岩堯
西來諸山錦障朝時雨時晴盛王理殷勤仰止唐虞遙
兄弟同諸姪江餞

我行入南海舟發角東潮宦懶時從失情牽路任遙秋

深江月白風急客衣飄繾綣家人意酣歌斗酒饒

登靈源寺

南山北山曲東寺西寺連天設幽遐地僧分自在緣巖
潭伏龍虎鐘磬出雲烟為有重遊日題詩記此年

訪永樂廢寺

空山寺已廢寂莫枉登臨古殿餘茅屋殘僧倚暮林溪
橋自流水雲樹伴孤岑興廢乾坤事因茲感慨深

十月五日過餘干阻風野泊

風逆江頭坐維舟野竹邊荒村無物色落日少人烟盡
室憂途夜疎燈照客眠一鈎新月白光景為誰憐

小溪驛南行野泊

蔓草清溪舛斜陽獨繫舟蒼烟數家晚錦樹一江秋
鳬鴨沙相並松篁澗自幽鄉村有官法鼓柝夜無憂

大庾山口晚興

高山屏西日未晚溪欲昏百丈援灘勢叢篳避石根
火明依舛宿人靜聽沙喧家室天涯共扁舟憶故園

赴梧諸寅餞別阻風夜泊

別筵纔十里潮落海珠宮
欲挽無高岫相持有逆風
蒼茫孤夜泊想念一樽同
新問交州道山川五嶺中

水東驛道中

炎海東來路龍川曲避沙江
村孤驛舍竹屋幾人家地
瘠春無菜山稠樹少花瘴
烟愁未已汗漫薄天涯

龍川舟中雨望

二月傾寒雨龍川逆挽舟
山雲凝欲凍瘴霧濕難收
古

樹侵江碧奇峰峙水幽沾濡何所適獨酌賦清遊

龍川山行

龍江謝舟楫東麓事晨征寒雨初開霽春山未老晴烟霞迎日薄草樹隔年榮瞑目肩輿裏靜收溪谷聲

欖潭晚泊懷廣城僚舊

艤舟沙樹合望暝水雲同夕浦漁烟碧春山野燒紅空流鳴急瀨高月動微風回憶羊城舊孤懷清夜中

建寧山行宿大橫驛

路轉千溪曲，泉分萬壑聲。
溪雲橫夕景，山館息炎程。
院立雙松古，林栖百鷺清。
乘涼多暝思，種種舊遊情。

陞江西叅政同寅餞別黯淡寺

高閣臨波迥，輕雲匝寺陰。
溪聲千古壯，雨意萬山深。
祖席開青嶂，風烟灑素襟。
行行復何處，隨分是吾心。

次文卿清明日老軍塘阻風志感

水逆兼風逆，難窮汗漫程。
船頭折楊柳，客裏過清明。
江壘淒烟雨，天涯遠弟兄。
相悲重相別，愁絕海雲橫。

中秋將臺玩月是日盧都閭為會

幾度中秋月皆從客裏看山川照齊魯南北聚衣冠玉
笛鄉心遠金樽露氣寒人間此良夜應共百年歡

新嘉驛草亭次韻

草亭依傳舍幽事坐中新水曲池通井花繁夏續春風
塵為客倦泉石寄情親杯酒雙蓬鬢乾坤此是真

訪從兄監中晚回

晚行城北道捷徑過田家陰坂花猶媚春溝柳自斜鳩

含深竹雨驚落半天霞農事催將濫池深處處蛙

會飲暮歸

嚴城已布析釀飲獨遲歸月暗馬知道風高塵滿衣樹
烏驚自語雲閣渺何依穉子不知漏殘燈半掩扉

宿寺

有官身許國隨地寺為家夜火聯僧榻晨鐘速禁衙
宮分世界白髮數春花我輩無窮事相看絕兩涯

園門曉望

曉日園門暗長波逝遠空山雲寒帶雨霜柳弱搖風郭
索江秋老鶻鵂水信豐角東誇海勝原自有龍宮

積雨書悶

烟火朝昏促柴桑霧靄濃高門催黍釀野戶急村舂晨
正憂荒歲天胡雨孟冬沈思步屨外江閣暗晨鐘

鄧山橋

望城三十里野寺鄧山橋廢壘官奴縣殘碑至正朝青
山來欲暮秋水未全消垓北風烟繫扁舟思寂寥

直院

夏夜院空寂鐘來遠寺揚風搖孤燭短人憶故山長冷
泊雲霄氣淡流星月光對茲渾不寐天地息蒼茫

寫王天錫扇面

落木風色淡江涵萬里秋青山出波末飛鳥近船頭執
卷懷千古澄心無一憂長須此乘興城北是東洲

次李少泉嶽祠暇集

岱嶽開祠古幽遐此共臨虛堂延野色高閣碍峰陰山

月皎當戶明
僚喜盃簪清
樽忘永夜一
洗俗塵心

送友人遊靈谷寺出朝陽道中

勝事靈山願
一償春城十五出
朝陽日邊雲布梅時雨
馬首風吹柏子香
涉夏酒多新市白
占年麥喜過人長
陵宮寂寂朱欄護
龍卧深山萬古藏

病居對雨

秋雨蕭蕭夜
及晨釀寒雲氣漲
高旻雞愁隔幔還
妨客
雀啄巡簷不避人
著葉聲聲初滴瀝
隨風濯濯太崩淪

無端沸動虛堂思瘦損還吟病裏身

代題壽父母圖

聞說瑤池會事新鬱葱佳氣北堂辰青銅月滿明珠箔
白髮莖疎照錦茵簫管鳳凰臺上侶兒孫蘭蕙圃中人
風霜亦屢疑春色烏鵲年年渡漢津

訪同年陶奉川舟發城南

小雨城南動曉船長春門外柳如烟客情淡泊觀流水
行色蕭條憶往年江麥纖纖留燕語汀花冉冉足鳬眠

推窗慢數修程事看盡人家雨後田

雲深樓晚眺題付住僧清濤

汝有寶山百尺樓白雲朝夕深悠悠乳峯烟雨千林暮
飛雪巖臺六月秋鏡水蕪平莎鳥立藤花風落野猿愁
我來未盡登臨興記爾青春卜再遊

與秋官孫敏中宿佛塔亭次日陶明府行厨為會

夜宿招提境上頭故人飛簡此重留青封入案酒筵暮

白鳥下溪山雨收同榜分于南北盡百年情屬主賓酬
令君擬有觀風日漫寫新詩紀勝遊

江頭晚步

薄晚江行意若何夕陽微影漏林柯緣涯白鳥玄沙淺
隔岸青山綠樹多下網人聽潮外語入村船載渡頭歌
觀瀾不用登遐絕百里蛟門送海波

送同年萬汝信北上

同陟金臺映聚星分明梧竹肖君形兩年簪珮北歸闕

三日雲山東過庭梅雨滄江行汗漫翰音瀛海入青冥
秋風我亦期當發記別桃花第一汀

過寧波寺登覽

落日川橋野寺幽風篁雨蔓碧遭周居連一舍今方到
勝接三江昔未遊門外滄波飛白鳥殿前紅葉偃深秋
雞聲隔竹啼寥寂僧在薜蘿宮裏頭

正月十五夜平望驛看月有懷

平望驛前春水平元宵月裏畫船行湖光汗漫一千頃

人意歡欣三五明
胸次若于星漢朗
歌聲自得里閭情
回頭漠漠家鄉遠
聊遣春庭有弟兄

渡淮

風送淮流四十程
船頭急鼓遡濤聲
海光蕩日長鯨沒
春色窺簾細柳晴
天地襟喉當吐納
江河經緯孰裁成
分明國脉源源在
更重微臣萬里情

過濟望南旺湖

長堤柳外望悠悠
山遠天空萬頃浮
漁牧幾家生計薄

鳬鷺春水野情幽
扁舟草澤誰真隱
二月洲田半婦耰
東充源流夫子國
獲麟猶記古河陬

淮陰弔古送劉南村歸吳

汗漫長淮萬里天
秋風城下古祠邊
黃茅野屋封高柳
白日雲沙走逝川
塵世幾登滸潞眼
英雄一去百千年
不堪皓首江湖上
短燭孤篷坐閭然

按浮圖谷山行至暝

突兀山程汗漫行
晚風添戀僕夫情
烟霏暝裏河流壯

鼓角聲中戍火明
瞭卒空聞傳急柝
步郵何處咽寒鉦
看星直到西南際
夜宿浮圖已二更

荏平道中

楊柳川原綠已稠
曉風吹鬢尚如秋
地寒花重齊南恨
山遠雲連魯北愁
雪後漸看甍入秀
雨前剛好穀新耰
行人昔是東臺使
民物還叨管戚休

月夜寶應湖漫興

寶應洲前萬頃波
月明載酒夜深過
濯纓高唱滄浪曲

鼓枻遙聞漁父歌
銅鼓船頭鼉出聽
玉簫雲裏鳳來和
青天叢桂寒宮敞
清影真看舞素娥

入京口遣興

行色忽驚春已暮
鄉心無奈夢相牽
甕城潮送江南路
虎寺峰臨柳外天
雲影恍疑金木相
日華遙矚鳳麟妍
再圓招寶山前月
十日桃花渡口船

經西湖

青山錦水春深過
酒舫漁舫鏡裏同
三竺烟霄迷去鶴

六橋歌管渡飛虹
風雲氣識將軍廟
鳧鷖沙連處士宮
寂莫行邊無伴侶
伐柯清思碧林中

宿九牧鋪

舊路梨關重問館
浮蹤雲陸半分程
青山對我還相識
白髮當年已漸生
九牧名香垂世遠
催科政拙賴時清
行邊且共吾民樂
霖雨秋農兆有成

重登鼓山絕頂

春山有約客重來
雲盡高峰面面開
靈洞近窺三島路

碧霄平築列仙臺
風烟傲睨人千古
天地蒼茫海一杯
樂事可堪追往事
斯文殘刻掃莓苔

五月梅雨

纔見迎梅又送梅
榴花五月雨中開
江南芒種田家候
白下端陽客子杯
古壁腥延蝸角上
空階青引石衣來
離腸何苦淹淹滴
用愧當年濟旱才

夜泊阜林寫懷

一里人家古阜林
孤舟客夜幾傷心
天青樹碧野雲盡

星朗月明秋水深坐看東南多越思
笑歌兒女舊吳音
風波道路輕年少猶戴儒冠未插簪

舟懷

濟水猶餘二百里吳山不計一千程
山多勝事歸無日
水共離人去有聲燕子風前芹正暖
楊花春後雨初晴
逢時不用多惆悵汗漫孤舟自在行

登北固寺

瓜步潮遵北固回海門秋滿甕城來
江淮地勝存遺額

樓閣景多空舊臺落葉未疎猶有菊重陽兩度此銜杯
太平一統無天塹萬里乾坤眼共開

山陵扈祀次松皋許太宰韻

微臣叨扈紫宸儀載道歡歌利見詞帳殿千峰森屏翰
轅門萬騎擁旌旗皇圖奕葉根源地聖孝精禋雨露期
沕穆龍宮肅瞻對七陵松柏鬱遲遲

扈駕山陵次玉溪少宰韻

蒼茫素野接金城扈從龍輿先鳳旌歲序隆冬寒正肅

月華中夜冷逾明
衰殘更怯重裘護
感慨生增落木鳴
此際沈思慙肉食
重嗟西北有屯兵

登映江樓次韻

解組歸來獨上樓
百年今日是真遊
江橫鴈影青霄外
路入桃花碧海頭
自此山川隨我樂
謾于今古共人憂
閒心一寄憑欄月
滿地雲浮與水流

次韻汪慎齋見遺

慰藉無官身始輕
塵緣要我事還生
白雲丹壑鷗沙夢

駭鶴驚猿鳳詔聲霄漢舊遊空竊祿林丘甘遯已忘名
誰關風雨他鄉念况復南征旅鴈鳴

泰陵晚宿昌平瑞光寺

一入寺門心便幽禪居寂靜即林丘寄身京國那堪再
回首江山孰與儔晚飯且甘僧供淡清宵聊緩客鄉愁
泰陵獨慰來瞻謁薦錄初登甲子秋

龍泉關

崎嶇窈窕入山深立馬危臺夕靄沈風草胡沙漫飛雪

關城天險不言金夜堂折裏聞驅虎遠案坡前看啄禽
只是君王令行處烟花無渚作幽尋

常山臺署用韻

有客遙從劒浦來故鄉風景此徘徊山田活水千家稻
梅雨清江兩岫苔蟬響未秋催暑去榴花如火照人回
宦遊廿載雙蓬鬢報國空慙襪線才

登岱嶽

長風凌厲上巔岼洞草巖花遶百盤御道石屏龍馭遠

古壇松樹鶴巢安日峰午夜扶桑曉天闕新秋廣殿寒
千古登臨總陳迹獨餘香火拜儒冠

高郵晚泊

水雲佳勝此經頻楊柳菰蒲遠近津明日驛樓常照客
長河舟楫幾閒人孟城地重咽襟處甓社珠遺草木春
旅泊不勝延頸意太平魚稻足斯民

寫扇

高樹滿秋風茅簷正倚東相知窮白首不厭說山中

二漁負罾圖

夜飯未得熟風濤不可罾柴門桑竹雨妻子候寒燈

席上書扇二首

山空秋葉落江靜野雲浮世事無關涉扁舟夢遠遊
雲林道相重相赴野亭開誰有青山意扁舟江上來

花山

花山極千仞上有老君祠何代來居此青松有古枝

西牕雨中吟二首

二月春寒惡重重壓雨雲暮牕烟數縷愁思亂紛紛
好事成長恨愁人坐雨天相思無限意揮淚寫詩篇

雨中簡童純夫求筆

出門咫尺是君家雨隔東西望眼賒片帛殷勤將信使
管城初夜夢生花

酒後南牕晚坐

新柳牆邊帶雨青小雞牕下聽談經酒腸愛坐涼風晚
碧落須臾三四星

次韻寄錫山鄒光大

天涯共惜故人離
夜雨燈花記昔時
寂莫江鄉篷屋底
與君揮淚寫秋詞

寫扇贈柴克修

百里春江浩渺平
春山蒼翠亂崢嶸
釣船欲放滄瀛外
沙際南風是去程

暮春即事二首

漫白楊花亂飛絮
落紅桃瓣盡沾泥
東風不管愁人面

三月出門無鳥啼

荏苒風光三月暮繁華時節一年回眼前零落何須論
隔歲花如昨日開

畫景

白石橋西綠竹林青松亭外白雲岑何人閒睡三萬日
鳬鴨碧波江水深

夜行至塘棲遇風雨

出關彌望凍雲低畫鷁迎春未試題四十五程燈火夜

一川風雨泊塘棲

發蘆溝晚至房山

紫荊雲外渺天關
汗漫山行不等閒
六十里程忙走馬
夜深燈火宿房山

小憩黃山寺

易水西來路幾灣
招提小境額黃山
風塵百里無亭堠
來借僧房一餉閒

聞鳩


臺署沈沈晚色多春鳩一送雨聲過有如寄我江南信
花柳園林雨正和

出郊

麥壠如雲野雉飛桔槔流水野人扉曉來小雨如酥潤
山色行行好染衣

經東坡祠

白鶴峰前過客舟東坡祠廟鬱松楸遭逢勝地無知己
瞻仰孤亭天際頭



石倉歷代詩選卷四百五十一

欽定四庫全書

集部

石倉歷代詩選卷四百五十二

詳校官右中允臣薩敏

侍讀臣孫球覆勘

總校官進士臣朱鈴

校對官中書臣汪學金

謄錄監生臣錫福

欽定四庫全書

石倉歷代詩選卷四百五十二

明 曹學佺 編

明詩次集八十六

唐錦

題聽琴圖

紙窗露濕金徽冷何處
轆轤響銀井須臾松風拂座來
夜烏啼碎梅花影柴扉寂寂春自遲
流水高山入夢思

賞音無地尋知己欲買黃金鑄子期

題韓湘子像

昌黎千載士虎踞白玉堂毛錐三寸奪造化抉剔海岳
無晶光此事古來鬼神忌真宰泣訴令投荒頃刻花
逡巡酒藍關雪花大于斗冰襯馬蹄凍欲僵等閒笑破山
人口驅煙霧御氣氲仙耶非耶且勿論靜裏悠悠誰似
君

題黃鶴樓次西涯少師韻寄鳳山中丞

扁舟鄂渚連宵泊一樽聊伴城樓鶴月光照人如鏡明
水色涵空更澄廓樓背小亭白石鑿裂處似有藤蘿絡
欲將勝致付毛生掌中酒杯且權閣凌晨歷覽週遭峰
村歌野曲鳴商宮官清萬口託奇遇民隱九重偏易通
戰馬千羣卧芳草山川二百皆春風瀕江小歎亦偶爾
全活正賴青州翁中臺大夫南國彥胸中石渠有其半
經綸餘滴灑秋風流水行雲看染翰名樓秀句兩爭雄
千載鶴詩今再見憑欄獨抱廟堂憂舉頭懶識江山面

酒酣携笛傍梅花吹徹楚雲飛
碎練不須高語驚星辰
聲名久已登霄漢

賞梅三首

酷愛幽芳盡日看
凍雲烘透粉痕乾
吟邊風勁愁聞角
折處枝斜恐礙冠
澹拂湘簾橫月影
薄裁吳苧護春寒
含情莫怨相知晚
欲補離騷似已難

翠羽聲沈月向昏
紙窗幽夢鎖香魂
虬身染霧鱗猶濕
獺髓塗霜玉未溫
忍凍欲償詩客債
先春應識化工恩

深山自笑無人問寂寂踈籬半掩門

臨風脈脈度寒朝誰與花神破寂寥
碧蘚封香春尚淺滄池浸影雪初消
枝藏病鶴如憐瘦瓣落深宮欲鬪嬌
遙想西湖明月夜幾人携酒踏溪橋

書韶州察院壁

嶺南暮冬如暮春鳥聲百變殊可人
上階芳草碧煙細入檻芭蕉羅扇新
芙蓉灣頭花更好暖日晴波魚艇小
忽憶江南開畫船錦雲十里湖山曉

小溪曉行

望中漠漠總煙嵐，風土殊方惜未諳。
詩為愁多添日課，酒因情懶廢朝酣。
烏爭棟宇和霜墮，僧拾松枝帶葉擔。
漠漠江雲飛漸杳，滿前新景向誰談。

重陽賜燕

鵲立仙班曉露寒，燕傳天語下雲端。
糕聯紅玉炊新棗，酒泛黃封出大官。
九奏鳳韶聲隱隱，雙開雉尾影團團。
小臣何幸沾恩寵，默倚西風愧素餐。

月殿秋香

銀闕沈沈鎖嫩涼
庭香雪綴嬌黃
幾人礪斧誇吳健
此夜登樓笑庾狂
袖裏高枝秋弄色
眼中清影玉生光
酒酣記得歸時路
鶴背西風碧漢長

嶺南察院和郁道長韻

歎息西風滯葛衣
幾多情事與心違
白雲萬里天如寄
黃葉千林客未歸
雁足有時憑附信
鷗盟何日許忘機
清高偏愛陶彭澤
三徑何曾着是非

初至湖南贈張汝楨道長

黃葉滄洲動曉霜
埋輪風采識張綱
楚山雨過秋如洗
夢澤煙消水亦香
北獻皂囊驚絡繹
南飛孤隼看翱翔
曾聞太史傳新報
執法連宵倍有光

慶祖道中

擾擾黃塵道路長
閒邊巢許笑人忙
軒乘野鶴元非性
服被林麋祇發狂
煮石作羹山骨嫩
掬泉澆耳水花香
追思往事仙凡隔
獨立郵亭數雁行

次文峰先生秋興二首

玉露新涼秋滿林
曉風穿戶氣蕭森
寫懷詩句傳梧葉
遣興壺觴傍竹陰
夢短為懸經國慮
年豐偏愜濟時心
授衣節候知將近
昨日紗帷透遠砧

暮雲風急雁行斜
客裏逢秋感歲華
落葉響隨窗外雨
枯枝飄作水中槎
誰家斷續敲砧杵
何處喧嘈競鼓笳
賴有清香能慰藉
石欄巖桂正開花

楚雄拜武侯祠

策馬龍岡路轉西茂林脩竹映棖題帳前雲傍爐煙起
簷外風疑石馬嘶長恨袁曹真虺豕誰知陸呂亦鯨鯢
堂堂兩表扶忠義日月光高泰華低

東雲

英英一朵伴朝暉挂影扶桑鶴未歸秋水虛明初擘絮
春風淡蕩不成衣長疑青帝開簾幕每與幽人護釣磯
只恐從龍行雨去故山清夢亦應稀

雨中哭子儼

幾度長吟復短吁
食牛汗血總成虛
招魂夜拂新封土
閣淚時翻舊讀書
天地有愁誰似我
海門無色月沈珠
兒今何地為才鬼
却怪秋來入夢疎

尋仙卷為陳相士作

尋仙道人江海彥
三島十洲渾走遍
歸來自覺術有神
隔牖能將色絲辨
酒酣耳熱逞談鋒
對人信口分猪龍
雙瞳炯炯敵秋月
世間安用窺青銅

登大伾山

肩輿衝曉作山遊黃葉迎風面面秋過眼飛雲應我笑
隔林啼鳥向人留石堦竹迸苔痕破玉井龍歸雨氣收
謾簡禹書尋往迹茫茫何處是江流

度梅嶺

誰云度嶺即炎方十月山橋滿屐霜蕉簾故衣羞戀綠
菊留殘朶欲飛黃鷄鵠有意憐行客茅屋無煙鎖夕陽
此日觀風增感慨馬蹄隨處有荒涼

書南康山中公館

山館題詩已十年重來風景更淒然
黃蒿滿地秋無主白水迷村冷浸煙
烽火四郊頻送警江湖一念獨相牽
翻思獻納當時曠策馬斜曛媿負暄

途中即事

十載長安夢始醒武城絃誦沸新聲
文章謾入宗工眼案牘何辭俗吏名
楊柳著霜金縷脆木綿烘日粉雲輕
故園謾有心如火未了平生報國情

竹亭

懶將塵事溷幽懷
遶屋琅玕手自栽
碎影點窗秋月滿
清聲入座午風來
門深惟許王猷造
徑僻曾看蔣詡開
轉眼碧梢抽紫實
傍雲須築鳳凰臺

玉泉上人

泉水清於玉
禪心淨似泉
傳聞玉泉水
曾吐鉢中蓮

近山

卜得幽居傍翠屏
澗泉偏愛枕邊聽
曉來嵐氣衝簾入
濕透牀頭相鶴經

柳燕

芹泥銜罷東風軟舞趁綠陰嬌似懶飛來新壘立多時
說盡閒愁春不管

蓮花

薰風池館午雲涼紅玉層層沁水香疑是西施醉歸後
笑將微露洗殘粧

西蘆

水西叢葦隱君家門倚西風散雪花幾度夜深看雁集

一鈎寒月映寒沙

西林

高樹疎陰送晚暉
桑榆路近鶴先歸
披襟偏愛秋風爽
碧葉滿山雲亂飛

市隱

滿城車馬任追攀
靜卧心閒夢亦閒
門外紅塵三十丈
垂簾如隔萬重山

李學曾

送王秉衡道長出按陝西分韻得獨字

有客秣驄馬，豸冠被朱服。駕言將何之？先聲動華麓。曾飛玉堂翰，更累青瑣牘。歷親郡縣政，民瘼盡耳目。所遭異坦阻，平生耿介獨。行行屆高秋，風霜共潔肅。狐狸安足問，豺狼敢當陸。按轡渭水濱，雨餘桑麻綠。我為西人喜，重受清平福。

送進賢王鑾秀才還家

我初宰鍾陵，省觀子之鄉。邂逅識子廬，喬木森蒼蒼。云

昔先大夫西臺古風霜驄馬搖嶺海節鉞綏徽方我晚
不及見令聞猶掄揚鯉庭有遺訓世澤殊未央念子偉
哉器恢廓不可量手挽百步弓勁發直穿楊造物若不
偶雲翮垂扶桑提轡入槐市萬卷重脩藏試歷司空曹
才美寡頡頏新秋暑雨盡金飈動微涼倏爾發歸興一
葦西江航匡廬滴層翠彭蠡涵晴光故籬燦佳菊聊以
娛壺觴願言定夙志勿使舊業荒努茲少壯力青霄期
激昂允允鹿鳴賓鼓瑟將承筐再尚大畜賢良馬遂康

莊無墜燕翼謀乃足稱肯堂

寄題林子行草堂書屋

西山有佳麓美人好爰居一椽宜偃蹇半畝常紆徐
蔬藥剩雨畦稻梁足和畚縹囊貯蚪斗牙籤栖蠹魚豈羨
鄴侯架爭訝孔明廬揮毫臨太玄閉門悟潛虛龍卧及
脩義無乃時與俱披煙露華采凌空腕泥於物滯固有
化至理斯乘除願言早致力無徒惜居諸

祖教寺

斗瓢方丈雪一枕華山雲道外元無道人間別有人間
中談物故靜處著衣巾名利紛紛客徒奔陌上塵

送普安徐太守赴任

補郡持新節醫民貯舊丹不孤明主託應使遠人安萬
塢花迎暖千山鳥送寒五雲重回首高處倚欄干

其二

公才文武備得郡稱臨邊化日回寒谷清風拂瘴煙民
溥稀訟牒政暇到詩篇坐對南榮木春鶯看早遷

送潘伯振掌科出守漢中

祖帳人如玉燕山十里亭一樽花下倒五馬柳邊停隴
樹遲春雨秦雲照福星莫嫌分鷺選名在御前屏

送湛內翰原明出使安南時原明同迺堂還鄉
萬里宣朝使爭看四牡駢肴開黃色霽身傍白雲飛化
日寰中永文星海上輝行行重回首仙仗倚皇扉

壬午年容縣舟次有感

霜刃十年劒孤舟萬里程鄉心頻怏怏客髮漸星星絕

壁橫窗暗高灘入夢驚幾般縈恨處信是路難行

登釣臺

五度臺前客而今正一登行沿蒼木底踏破白雲層爽
氣消塵海清風散鬱蒸漁竿真樂在歸把幾人曾

新秋度淮有感

爽籟入孤舟長淮度急流九重天萬里一日客三秋舊
篋將捐扇新衣欲製裘不堪清夢覺歌枕憶林丘

送黃才伯內翰出使湖藩便道歸省

昨夜奎光透楚天使軺新遣鳳池仙宗藩大義憑誰重
聖主深仁藉爾宣南海到時春酒熟北堂歡處彩衣鮮
編摩紫禁遲班馬回首梅關早著鞭

癸未九月寓京邸乞菊自賞

菊是山中隱逸花山中乞得到官衙十年共賞人何在
萬里孤吟恨轉賒俄向眼前驚物候還從髮上惜霜華
塵冠未卜何時掛歸去東籬傍酒家

送楊子山年兄巡撫貴州

新承簡命遠驅馳肯道天家雨露私
鷺筵幾年清地望
豸冠今日重威儀
八番到處山河靜
萬里先聲草木知
虛席廟廊應有待
畫熊回首莫愆期

送黃道理分教江華

多君抱鐸向江華
眼底青氈宦况賒
劒倚寒光衡嶽路
詩成月色洞庭槎
軒齋夜雨九重夢
桃李春風千樹花
他日公孫開傑閣
正看椽筆潤官家

九月二十四日遇萬壽節遙賀用前韻

遙指紅雲望正陽祥風飛捲九衢霜洞開方丈三千界
高拱神堯十二章聖學漸看隨日進皇圖應祝與天長
小臣何幸聯鵷鷺抖擻寒依日月光

酒後乞茶次楊子山

樽壘拚倒劇歡娛渴想新茶走吏胥何處擎來仙掌露
方憐分出內家儲醉魔降退骨騰後詩興招回爽快餘
歸向小窗剪燈火脩然翻盡案頭書

送童大用秋官出守鎮遠

都亭落日盡離觴
潞渚晴波放畫航
花擁旌旄催宦況
雨敲燈火憶隣光
須知大隱元無吏
肯道諸侯不似郎
此去南州歌善政
循良未必只龔黃

贈文昌邢景暘尹懷集

十年鳴鹿已嘉賓
萬里飛鳧又遠臣
自古親民端是令
於今為政幾稱神
山城春暖遷鶯早
海國雲連過雁頻
君去不須多訪道
而翁遺愛在西人

送鍾邦臣出守廣州用楊子山限韻

光明如月靜如秋詩滿行囊書滿篝宦況元從清處得
民情偏向苦中求使君便是端陽彥聖主今無嶺外
憂方岳古來多拜相道傍先問喘時牛

酬林伯喬兼呈楊掌科

踈慵成癖喜成狂兩放閒情到野莊澗水半橋歸別壑
山雲幾片度低牆步旋花徑盤紆遠坐傍松陰笑語涼
但願年年人似玉春風一度一尋芳

思鄉與伯喬字山限韻同賦

浪曳長裾入帝京年來却恨少閒行
鱸肥秋水無張翰
瓜熟春田欠邵平
親老憑誰娛晚景
兒癡渾未識方名
何當拂袖南山去
無數松枝好挂纓

送瓊山林勉學分教贛庠

乾坤萬古入枯枰
今日憐君一着贏
裴几晴窗溫典故
講堂朝鼓閱經生
章江月色催詩早
庾嶺梅花入夢清
更喜檳榔椰子近
每逢南客便多情

和初惟學秋懷作東林廷光年兄

閒書咄咄歎休休一度西風一度愁四壁蛩聲寒夜杵
千山雁影夕陽樓俄驚歲序過強半却憶韶華去不留
誰道多情惟宋玉閒來我亦賦悲秋

和子衡九日韻

把鏡霜毛幾種侵佳期怪底負登臨也知病酒能頽玉
只恐寒花易落金杜甫多情憐歲月陶潛得趣戀山林
明朝抖擻精神起籬下同君較淺深

重九書懷

遠向山中拂袖歸山中景聚只依依
踈籬有約開黃菊
小徑無緣到白衣
囊裏自慚新句少
尊前常恐舊人非
狂來不用悲淪落
直欲凌風上翠微

又自述兼訝子賢有約不至

藥莒藤筇雜貝編
藏名已分石泉邊
蓬蒿有徑緣誰掃
風月無人只自專
花外昨朝青鳥信
竹間何日紫騮鞭
踈狂解似饒清興
翻笑山陰雪夜船

艤直沽用韻

纔將十日別京華
客裏乾坤感慨賒
綠水青山天外畫
白蘋紅蓼眼前花
潮回落日汀洲遠
路入浮煙海國斜
共說魚鹽有遺利
豈應編戶尚貧嗟

嘉靖甲申假歸十月十三沿杭城外望入西湖

憶舊遊用韻寫意

登臨勝槩自前年
今日經過一悵然
松下空留燒葉竈
柳邊閒繫採菱船
慵拈秃筆賡遺句
悶對孤琴惜斷絃
歸去白雲深處卧
湖山從此負良緣

使經潮縣公亭偶興

新秋攬轡問皇華
眼底秋光萬里賒
纂纂枝頭垂棗實
毵毵階下點楊花
四窗雲影回天霽
一曲蟬聲送日斜
喜向涼飈洗懷抱
郵亭過客不須嗟

和韻答鄭別駕

頻年抱病只偷安
徑路蕭蕭草色殘
頑僕白雲長不掃
達官青眼忽相看
釀泉酒甕新蕩薄
燒葉茶爐宿火寒
故態未除還野老
東窗一枕日三竿

送葉良臣掌科上已郊行

着起春衫帶小冠
輕鞭瘦馬雪泥乾
二十四番春正好
鶯花乞與眼前看

和段少參釣臺韻

一片荒臺萬古尊
青山如立水如奔
登臨未盡孤舟興
靄落煙橫日已昏

南安太守留宴屢遭風雨有阻口占一絕

浙浙西風惱客程
黃堂招飲忽多情
眼中傳得春消息

官況梅花一樣清

化州何二守邀飲石寧鋪醉歸道中口占

荒村有路接郵亭天假東南聚德星尊酒未空心已醉
夕陽回首舊山青

石倉歷代詩選卷四百五十二